

LITANIA SA TRINIDAD, ANG MAGBUBUHAT

Ang intension ni Papa Francisco sa bulan sa Abril mao nga “Ang katawhan makakat-on sa pag respetar ug atiman sa kinaiyahan isip gasa sa Dios.

Usa sa pinakaimportanteng pamaagi pagduyog ni Papa Francisco uban ang tanan mga katoliko mao ang pag ampo sa litaniya. Puede kini nga himoon sa pribado o kabahin sa holy hour – o pag ampo uban ang Santisimo Sacramento. Ang inyong kura paroco makahatag kaninyo ug giya sa pagsaulog niini uban sa grupo.

Ang Litaniya nagpamalandong sa kaimportante sa dignidad ug bili sa pag respetar sa kabuhatan – ang tanan linamdagan sa kamatuoran nga nag kabuhatan nagpadayag sa Magbubuhat.

L – Himaya sa Amahan ug sa Anak, ug sa Espiritu Santo

T – Maingon sa sinugdan, karon ug hangtod sa kahangtoran. AMEN

L – Daygon ang Balaang Trinidad – ang Ginoo nga gugma

T – Himaya ug dungog hangtod sa kahangtoran

L – Daygon ang Balaang Trinidad, ang Magbubuhat, ang Manluluwas, ug ang Tig Amoma sa tanan nga kinabuhi

T – Himaya ug dungog hangtod sa kahangtoran

L – Ginoo Malooy Ka

T – Ginoo Malooy Ka

Kristo Malooy Ka

Kristo Malooy Ka

Ginoo Malooy Ka

Ginoo Malooy Ka

Balaang Trinidad, dungga kami – *Balaang Trinidad, paminawa kami*

Ginoo, Langitnong Amahan – *Kaloy-I kami ug ang tibuok kalibutan*

Kristo, Anak nga manluluwas – *Kaloy-I kami ug ang tibuok kalibutan*

Espiritu Santo ang naghatag sa Kinabuhi – *Kaloy- kami ug ang tibuok kalibutan*

Balaan nga Trinidad, Usa ka Dios - *Kaloy- kami ug ang tibuok kalibutan*

Amahan hangtod sa Kahangtoran - *Kaloy- kami ug ang tibuok kalibutan*
Bugtong Anak sa Dios Amahan - *Kaloy- kami ug ang tibuok kalibutan*
Espiritu Santo, Nagagikan sa Amahan ug sa Anak - *Kaloy- kami ug ang tibuok kalibutan*
Santo, Santo, Santo Dios sa kagahaman - *Kaloy- kami ug ang tibuok kalibutan*
Siya nga mao ang kaniadto, ang karon ug ang umaabot - *Kaloy- kami ug ang tibuok kalibutan*
Balaan ug Halangdon nga Trinidad sa kahangtoran - *Kaloy- kami ug ang tibuok kalibutan*
Alang Kanimong ang gahum ug ang himaya - *Kaloy- kami ug ang tibuok kalibutan*
Ang bataan sa tanang kabuhatan - *Kaloy- kami ug ang tibuok kalibutan*
Ikaw nga Magmumugna - *Kaloy- kami ug ang tibuok kalibutan*
Ikaw diin ang gugma mao ang imong pulong - *Kaloy- kami ug ang tibuok kalibutan*
Ang tuburan sa Kinabuhi - *Kaloy- kami ug ang tibuok kalibutan*
Ikaw ang walay kinutuban nga kalooy - *Kaloy- kami ug ang tibuok kalibutan*
Ikaw ang tuburan sa tanang grasya - *Kaloy- kami ug ang tibuok kalibutan*
Ikaw ang balaan nga mananambal - *Kaloy- kami ug ang tibuok kalibutan*

Luwasa kami O Dios – *aron mahimo kaming angayan sa mga saad ni Kristo*
Ginoo, ipadala ang imong Espiritu – *Balaang Trinidad. Luwasa kami*
Aron pagbag-o dagway sa yuta – *Balaang Trinidad paminawa kami*
Aron paglikay kanamo sa mga sayop nga pangandoy – *Balaang Trinidad luwasa kami*
Aron pagluwas kanamo sa mga makadaut nga mga damgo - *Balaang Trinidad luwasa kami*
Aron pagluwas kanamo sa mga pangandoy nga labaw pa sa among mga abilidad - *Balaang Trinidad luwasa kami*
Aron pagluwas kanamo gikan sa katapol - *Balaang Trinidad luwasa kami*
Aron pagluwas kanamo gikan sa among pagpasulabi - *Balaang Trinidad luwasa kami*
Aron pagluwas kanamo gikan sa among kahakog - *Balaang Trinidad luwasa kami*
Aron pagluwas kanamo gikan sa walay pagpakabana sa among mga silingan - *Balaang Trinidad luwasa kami*
Aron pagluwas kanamo gikan sa walay pagpakabana sa kinaiyahan - *Balaang Trinidad luwasa kami*
Aron pagluwas kanato gikan sa atong pagkabuta sa dagway sa Dios dinha sa kabuhatan - *Balaang Trinidad luwasa kami*
Aron pagluwas Kanato gikan sa pagpahimulos sa kinaiyahan - *Balaang Trinidad luwasa kami*

Aron pagluwas kanato sa pagpanamastamas sa Kinaiyahan - *Balaang Trinidad luwasa kami*

Aron pagluwas kanato sa pagsalikway sa Iyang grasya - *Balaang Trinidad luwasa kami*

Aron pagluwas kanato sa tanan nga nakapahimulag kanato sa Dios - *Balaang Trinidad luwasa kami*

Aron pagluwas kanato sa atong pagdumili sa atong responsabilidad sa kabuhatan - *Balaang Trinidad luwasa kami*

Aron pagluwas kanato sa atong pagdumili sa atong responsibilidad sa isig katawo - *Balaang Trinidad luwasa kami*

Aron pagluwas kanato sa tanan nga tentasyon sa pagsalikway sa imong kabubut-on - *Balaang Trinidad luwasa kami*

Kami nga makasasala – *Tabangi kami O Ginoo*

Nangayo kami sa grasya aron kami nga imong katawhan mahigugma kanimo labaw sa ngatanan ug mangita kanimo sa tanan namong kusog – *Tabangi kami Ginoo*

Nangayo kami sa grasya aron nga among higugmaon ang tanan namong isigkatawo sama sa among kaugalingon – *Tabangi kami O Ginoo*

Nangayo kami sa grasya aron ang tanang katawhan mag sunod sa imong mga sugo – *Tabangi kami O Ginoo*

Nangayo kami sa grasya aron dili namo abusahan ang among kaugalingon ug ang kinaiyahan – *Tabangi kami O Ginoo*

Nangayo kami sa grasya aron dili namo usik usikan ang gasa sa kinaiyahan - *Tabangi kami O Ginoo*

Nangayo kami sa grasya aron ang katawhan magkinabuhi nga yano - *Tabangi kami O Ginoo*

Nangayo kami sa grasya aron motubo kami dinha sa hiyas nga maalamon - *Tabangi kami O Ginoo*

Nangayo kami sa grasya aron motubo kami sa katarung - *Tabangi kami O Ginoo*

Nangayo kami sa grasya aron motubo kami dinha sa kalig-on ug kamadasigon - *Tabangi kami O Ginoo*

Nangayo kami sa grasya aron motubo kami dinha sa hiyas sa pagkamapugnganon - *Tabangi kami O Ginoo*

Nangayo kami sa grasya aron makita ug mabati ka namo sa tanan nimong mga binuhat - *Tabangi kami O Ginoo*

Aron masinati ka namo kanunay - *Tabangi kami O Ginoo*

Nangayo kami sa grasya aron himayaon ka namo hangtod sa kahangtoran - *Tabangi kami O Ginoo*

O Balaang Trinidad

Nangaliyupo kami, luwasa kami

O Balaang Trinidad

Nangaliyupo kami, luwasa kami

O Balaang Trinidad

Kaloy i Kami ug ang tibuok kalibutan

Ginoo Kaloy-I kami

Kristo, Kaloy-I kami

Ginoo Kaloy-I kami

L – Daygon ang imong kabubut-on sa langit ug sa yuta

T – Daygon, himayaon ug higugmaon ka sa kanunay

L – Mag Ampo Kita

Gamhanan ug mahigugmaon nga Ginoo, ikaw nga magbubuhay sa katawhan isip kabahin sa imong kabuhatan, tagai kami sa grasya aron mamaayo kami sa epekto sa among pagpakasala. Giyahe kami aron kami mahiuyon sa imong kabubut-on. Panalipdi kami sa among pagkamapatuyangon sa pag abusar sa kinaiyahan. Balaan nga Trinidad, tinubdan sa tanan gugma ug kinabuhi, nagadayeg kami kanimo ug nangaliyupo nga pinaagi sa imong grasya makita namo ang gugma ug himaya diha sa tanan nimong mga binuhat. Ug hinaut nga among panalipadan ug ampingan ang komun nga pinuy anan sa tanan nga mga kaliwatan samtang nagapanaw kami padulong kanimo.

Kining tanan among gipangayo pinaagi ni Kristo imong bugtong anak nga nabuhi ug nagahari uban sa Espiritu Santo, Dios nga usa hangtod sa khangtoran.

T – Amen.